



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU LABURISTIČKE STRANKE BOSNE I HERCEGOVINE

Broj: 03-07-6-310/16
Sarajevo, 19. juli 2017. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Laburističke stranke Bosne i Hercegovine za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2015. godinu, utvrđeno je da je Laburistička stranka Bosne i Hercegovine prekršila odredbe člana 5. stav (4), člana 6. stav (2), člana 11. i člana 12. Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Laburističke stranke Bosne i Hercegovine za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Laburistička stranka Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	1.666,50	1,11
2.	Prilozi fizičkih lica (3-a)	10.924,67	7,30
3.	Prilozi pravnih lica (3-b)	50,00	0,03
4.	Prihodi od imovine (3-c)	13,65	0,01
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	10.493,10	7,01
7.	Prihodi iz budžeta (3-f)	126.524,39	84,53
8.	Prihodi od propagande (3-g)	0,00	0,00
9.	Ostali prihodi	0,00	0,00
I	Ukupni prihodi (1-9)	149.672,31	100,00
II	Kreditno zaduženje kod banaka	0,00	0,00
	Izvori finansiranja (I+II)	149.672,31	100,00

U godišnjem finansijskom izvještaju stranka je iskazala ukupne rashode u iznosu od 114.975,82 KM.

2. PREDSTAVLJANJE POLITIČKE STRANKE

Naziv političke stranke: Laburistička stranka Bosne i Hercegovine. Skraćeni naziv: Laburisti BiH.

Laburistička stranka Bosne i Hercegovine registrovana je kod Općinskog suda u Bijaću, rješenjem broj: 017-0-RegPO-14-000001 od 14.01.2014. godine.

Sjedište stranke je u Velikoj Kladaši, Ibrahima Mržljaka 84.

Lice ovlašteno za zastupanje stranke je Elvira Abdić-Jelenović, predsjednik.

Lice ovlašteno za podnošenje finansijskih izvještaja za 2015. godinu je Aladin Ćerimović.

Prema podacima iz godišnjeg finansijskog izvještaja za 2015. godinu, Laburistička stranka Bosne i Hercegovine ima sljedeću organizacionu strukturu:

-Centralni ured Laburističke stranke Bosne i Hercegovine.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Laburističke stranke Bosne i Hercegovine za 2015. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Laburističke stranke Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Nakon izvršenog pregleda godišnjeg finansijskog izvještaja Laburističke stranke Bosne i Hercegovine za 2014. godinu, Služba za reviziju je izdala izvještaj o pregledu sa mišljenjem revizora, nalazima revizije i preporukama stranci da vodi evidencije o prijemljenim priložima i izdaje potvrde o prijemu priloga, da poslovne knjige vodi u skladu sa računovodstvenim propisima, odnosno da uspostavi adekvatne evidencije o prihodima i rashodima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da poštuje i druge propise, prevashodno poreske, iz kojih proističu dodatne obaveze i troškovi.

Nerealizovane preporuke:

Na osnovu uočenih nedostataka u godišnjem finansijskom izvještaju za 2015. godinu, utvrđeno je da Laburistička stranka Bosne i Hercegovine nije u potpunosti ispoštovala date preporuke.

5. NALAZI I PREPORUKE

5.1 NALAZI

a) Laburistička stranka Bosne i Hercegovine prekršila je odredbe člana 5. stav (4) i člana 6. stav (2) Zakona o finansiranju političkih stranaka.

- Pregledom godišnjeg finansijskog izvještaja utvrđeno je da Laburistička stranka Bosne i Hercegovine nije priloge u ukupnom iznosu od 350,00 KM uplatila na transakcijski račun stranke u roku od 10 dana od dana uplate u blagajnu, što je suprotno odredbama člana 5. stav (4) Zakona o finansiranju političkih stranaka.

Uvidom u potvrde o prijemu priloga i blagajničke dnevničke, utvrđeno je da je Laburistička stranka Bosne i Hercegovine u periodu od 27.04.-29.04.2015. godine primila priloge dva fizička lica u ukupnom iznosu od 300,00 KM i prilog pravnog lica u iznosu od 50,00 KM. Uvidom u izvode sa transakcijskog računa stranke, utvrđeno je da je 25.05.2015. godine na ovaj transakcijski račun izvršen polog priloga iz blagajne stranke u ukupnom iznosu od 356,00 KM.

- Služba za reviziju je utvrdila da su u periodu od jula 2015. godine do 16. oktobra 2015. godine u blagajnu uplaćene članarine u ukupnom iznosu od 212,00 KM i donacije fizičkih lica u ukupnom iznosu od 836,40 KM.

Uvidom u izvode sa transakcijskog računa od 30.10.2015. godine, utvrđeno je da je stranka izvršila polog sredstava iz blagajne na transakcijski račun u iznosu od 213,00 KM, što ukazuje da nije izvršen polog članarina i priloga na transakcijski račun stranke u roku od 10 dana od dana prijema sredstava na blagajnu, odnosno da stranka nije izvršila polog priloga fizičkih lica u iznosu od 623,40 KM na transakcijski račun stranke, čime su prekršene odredbe člana 5. stav (4) i člana 6. stav (2) Zakona o finansiranju političkih stranaka¹.

¹ U skladu sa odredbama člana 6. stav (2) Zakona o finansiranju političkih stranaka, dobrovoljni prilozima u novcu se uplaćuju na transakcijski račun centrale političke stranke.

b) Laburistička stranka Bosne i Hercegovine prekršila je odredbe člana 11. i člana 12. Zakona o finansiranju političkih stranaka.

Pregledom godišnjeg finansijskog izvještaja za 2015. godinu utvrđeno je da Laburistička stranka Bosne i Hercegovine nije obrasce godišnjeg finansijskog izvještaja popunila u skladu sa Pravilnikom o godišnjim finansijskim izvještajima političkih stranaka-u daljem tekstu: Pravilnik, čime je prekršila odredbe člana 12. Zakona o finansiranju političkih stranaka. Služba za reviziju je utvrdila da Laburistička stranka Bosne i Hercegovine nije vodila blagajničke izvještaje na dnevnom nivou, što nije u skladu sa računovodstvenim propisima.

(1) Laburistička stranka Bosne i Hercegovine nije u obrascu 2 (pregled prometa svih transakcijskih računa političke stranke) pravilno iskazala ukupan promet ulaza i izlaza ostvaren putem deviznog računa, čime su prekršene odredbe člana 11. Pravilnika.

Stranka je u obrascu 2 iskazala promet ulaza u iznosu od 10,23 KM i promet izlaza u iznosu od 9,99 KM, dok je prema podacima sa izvoda, ukupan promet ulaza iznosio 0,24 KM. U izvještajnom periodu, stranka sa ovog računa nije imala isplate.

(2) Stranka je u obrascu 4.2 (troškovi propagande) godišnjeg finansijskog izvještaja iskazala troškove u iznosu od 43.426,96 KM. Uvidom u račune koje je dostavila stranka, utvrđeno je da su troškovi reprezentacije, troškovi prevoza i ostali troškovi iskazani kao troškovi propagande, te u poslovnim knjigama evidentirani kao troškovi promocije, što je suprotno računovodstvenim propisima i odredbama člana 21., 22. i 23. Pravilnika.

Stranka je u poslovnim knjigama troškove trebala evidentirati na kontima propisanim kontnim planom, odnosno po vrstama troška, dok je u obrascu 4.2 troškove propagande trebala iskazati u skladu sa članom 23. Pravilnika. Stranka je u dijelu koji se odnosi na Ostale troškove propagande trebala unijeti podatke o troškovima koji se odnose na izbornu kampanju, a ne redovne troškove stranke.

5.2 PREPORUKE

Preporučuje se Laburističkoj stranci Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da u skladu sa članom 5. stav (4) Zakona dobrovoljne priloge i članarine uplaćuje neposredno na transakcijski račun političke stranke najkasnije u roku od 10 dana od dana prijema,*
- *da se, u skladu sa članom 6. stav (2) Zakona, dobrovoljni prilozi u novcu uplaćuju na transakcijski račun centrale političke stranke,*
- *da poslovne knjige vodi u skladu sa računovodstvenim propisima,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da blagajničke izvještaje sačinjava na dnevnom nivou.*

KOMENTAR:

U ostavljenom roku, Laburistička stranka Bosne i Hercegovine je dostavila primjedbe na Preliminarni izvještaj o pregledu godišnjeg finansijskog izvještaja za 2015. godinu i korigovani obrazac 3-a (prilozi fizičkih lica) godišnjeg finansijskog izvještaja.

Služba za reviziju je uvažila argumentovane primjedbe stranke, pa je u skladu sa istima korigovala nalaze revizije.

šef Odsjeka za revizijske poslove, revizor

Sanja Tošović

Revizor

Nevenko Andan

šef Službe za reviziju

Mr. sc. Hasida Gušić